



## LADY NOTT U POSJETI OPĆINI GRAČANICA

Objavljeno petak, 19 Septembar 2014 11:59 |  | 



Općinski načelnik Nusret Helić ugostio je juče u svom kabinetu Lady Nott, veliku prijateljicu i počasnu građanku Gračanice, Helenu Meško direktoricu Konzervatorija za glazbu i balet iz Maribora i doktoricu Nizamu Salihefendić ispred Udruženja Polifonija koje djeluje pri Paralelnoj školi za muzičko obrazovanje Gračanica. U okviru jučerašnjeg susreta koji je upriličen povodom obilježavanja desetogodišnjice Muzičke škole u Gračanici, za čije su osnivanje i uspješan rad najzaslužniji Udruženje Polifonija i Lady Nott kao jedna od najvećih donatorki, razgovarano je o nastavku saradnje između gračaničke Muzičke škole i Konzervatorija za glazbu i balet iz Maribora. Razgovarano je o dosadašnjim iskustvima, važnosti povezivanja u budućnosti, ali i mogućnostima i prednostima koje ova saradnja nosi za učenike i nastavnike Muzičke škole u Gračanici, roditelje i cjelokupnu

zajednicu.

Izrazivši svoje zadovoljstvo posjetom uvaženih gošći, Općinski načelnik je istakao da je zahvaljujući muzici, entuzijazmu i naporima rukovodstva Polifonije i Lady Nott, kao i talentu mladih muzičara, Gračanica bogatija za još jedno prijateljstvo koje tek treba da se razvije i izgradi. Takođe, izrazio je svoju punu podršku i zadovoljstvo prilikom da se Gračanica kulturno poveže sa gradom kakav je Maribor.

Razgovarano je i o uzvratnoj posjeti učenika mariborskog Konzervatorija Muzičkoj školi u Gračanici, koja će učenicima naše škole, njihovim roditeljima i profesorima omogućiti upoznavanje sa drugačijim instrumentima sa kojima se do sada nisu imali priliku susretati.

Obilježavanje jubileja Paralelne škole za osnovno muzičko obrazovanje Gračanica završeno je koncertom učenika i profesora u Sali Muzičke škole.

(foto: Foto Šako)



Općina Gračanica © 2012. Sva prava pridržana.

Designed by [Ed-Vision](#).